

اتوار 7 جون، 2026

مضمون۔ رب کلاہ ای وجہ تے خالق

سنہری متن: یوحنا 1 باب 1 آیت

”شروع وچ کلام سی تے کلام رب دے نال سی تے کلام ای رب سی۔“

جوابی پڑھائی: زبور 1: 24 توں 5، 7 توں 10 آیتاں

- 1۔ دھرتی تے اوہدی معموری رب دی ای اے۔ جگ تے اوہدے وسن والے وی۔
- 2۔ کیوں جے اوہنے سمندر اں اُتے اوہدی نیوں رکھی تے سلاباں اُتے اوہنوں قائم کیتا۔
- 3۔ خداوند دے پہاڑ اُتے کون چڑھے گاتے اوہدی پاک تھاں اُتے کون کھلووے گا۔
- 4۔ اوہ ای جیدے ہتھ صاف تے دل پاک اے۔ جنہے بطالت اُتے دل نئیں لایا تے مکر نال قسم نئیں کھادی۔
- 5۔ اوہ رب ولوں برکت پاوے گا۔ ہاں اپنے مکتی دین والے ولوں سچائی۔
- 7۔ اے پھانگو! اپنے سراوچے کرو۔ اے ابدی دروازو! اوچے ہو جاو تے جلال داباد شاہ آوے گا۔
- 8۔ ایہہ جلال داباد شاہ کون اے؟ خداوند جیہڑا طاقت ورتے لوہا ہے۔ خداوند جیہڑا جنگ وچ طاقت وراے۔

9۔ اے پھاٹکو! اپنے سراوچے کرو۔ اے ابدی دروازو! اوچے ہو جاو تے جلال دابادشاہ آوے گا۔

10۔ ایہہ جلال دابادشاہ کون اے؟ لشکراں دا خداوند۔ اوہ ای جلال دابادشاہ اے۔

درسی وعظ

بائبل وچوں

1۔ یسعیاہ 40 باب 10 (توں:) آیت

10۔ ویکھو خداوند خدا بڑی قدرت دے نال آوے گا تے اوہ داباز دا ودے لئی سلطنت کرے گا۔

2۔ خروج 15 باب 1 (توں:)، 4 (توں:)، 7 (توں:)، 8 (توں دوجی)، 9، 10 (توں:)، 13، 22 (توں پہلی)، آیتاں

1۔ تے اینج آکھن لگے: میں خداوند دی وڈیائی گانواں گا کیوں جے اوہ جلال دے نال فتح مند ہوئیا۔ اوہنے گھوڑے نوں اوہدے سوار سمیت سمندر وچ سٹ چھڈیا خداوند میرا زور تے راگ اے۔ اوہ ای میری مکتی وی ٹھہریا۔

4۔ فرعون دے رتھاں تے لشکرنوں اوہنے سمندر وچ سٹ چھڈیا۔

7۔ توں اپنی وڈیائی دے زور نال اپنے مخالفان نوں نیست کردتا اے۔

- 8- تیرے نتھنیاں دے دم نال پانی دا ڈھیر لگ گیا سیلاب تو دے وانگر سدھے کھلو گئے۔
- 9- ویری نے تے آکھیا سی پئی میں پچھا کراں گا۔ میں جا کے پھڑ لوں گا میں لٹ دال وندھ لوں گا۔ ایہناں دی تباہی نال میرے کلیجے نوں ٹھنڈ ملے گی۔ میں اپنی تلوار کھچ کے اپنے ہتھ نال ای اوہناں نوں ہلاک کراں گا۔
- 10- توں اپنی ہنیری دی پھوک ماری تے سمندر نے اوہناں نوں لکا لیا۔
- 13- اپنی رحمت نال توں اوہناں لوکاں دی جنہاں نوں توں رہائی دتی راہنمائی کیتی۔ تے اپنے زور نال توں اوہناں نوں اپنے پاک مکان ول لے ٹریا۔
- 22- فیر موسیٰ اسرائیلی قوم نوں بحر قلزم وچوں لے گیا۔

3- خروج 20 باب 2 آیت

2- خداوند تیرا رب جیہڑا تینوں مصر دیس توں غلامی دے گھر وچوں کڈھ لیا یا میں واں۔

4- خروج 17 باب 1 توں 7 آیتاں

- 1- فیر بنی اسرائیل دی ساری جماعت نسیں دے جنگل توں ٹری تے خداوند دے حکم دے مطابق سفر کردی ہوئی رفیدیم وچ آکے ڈیرا کیتا۔ اوہ تھے اوہناں لوکاں نوں پین نوں پانی نہ ملیا۔
- 2- اوہ تھے اوہ لوکی موسیٰ نال لڑائی کر کے آکھن لگے پئی ساہنوں پین نوں پانی دے۔ موسیٰ نے اوہناں نوں آکھیا پئی تسی میرے نال کیوں لڑ دے اوہ تے خداوند نوں کیوں آزماؤندے او؟

3۔ اوتھے اوہناں لوکاں نوں بڑی ترے لگی۔ ایس لئی اوہ لوک موسیٰ اگے بڑ بڑان لگے تے آکھیا پئی توں ساہنوں تے ساڈے بچیاں تے ڈنگراں نوں ترنیا مارن لئی ساہنوں کیوں ملک مصر توں کڈھ لیا یاں؟

4۔ موسیٰ نے خداوند اگے فریاد کر کے آکھیا میں ایہناں لوکاں نال کیہ کراں؟ اوہ تے ہنے ای مینوں سنگسار کرن نوں تیار نہیں۔

5۔ خداوند نے موسیٰ نوں آکھیا پئی لوکاں دے اگے ہو کے ٹرتے بنی اسرائیل دے بزرگاں وچوں کجھ نوں اپنے نال لے لے تے جیس سوٹی نال توں دریا تے ماریا سی اوہنوں اپنے ہتھ وچ لیندا جا۔

6۔ ویکھ میں تیرے اگے جا کے اوتھے حوریب دی چٹان اُتے کھلوتا رہواں گاتے توں اوس چٹان اُتے ماریں تے اوہدے وچوں پانی نکلے گا پئی ایہہ لوک پین۔ ایس لئی موسیٰ نے بنی اسرائیل دے بزرگاں دے سامنے ایخا کیتا۔

7۔ تے اوہنے اوس جگہ داناں مسہ تے مریہ رکھیا کیوں جے بنی اسرائیل نے اوتھے لڑائی کیتی تے ایہہ آکھ کے خداوند نوں آزما یا پئی خداوند ساڈھے وچالے اے یا نہیں۔

5۔ خروج 20 باب 3 آیت

3۔ میرے اگے توں غیر معبوداں نوں نہ منیں۔

6۔ لوقا 4 باب 14 (توں:) آیت

14۔ فیریسوع روح دی قوت نال بھریا ہو نیا گلیل نوں مڑیا۔

7۔ متی 4 باب 24 آیت

24۔ تے اوہدی شہرت سارے سور یہ وچ پھیل گئی تے لوک سارے بیماراں نوں جیہڑے وکھریاں وکھریاں بیماریاں وچ گرفتار سی تے اوہناں نوں جنساں وچ بدرو حواں سی تے مرگی والیاں تے مفلوجاں نوں اوہدے کول لیائے تے اوہنے اوہناں نوں چنگا کیتا۔

8۔ متی 8 باب 2 توں 4 آیتاں

- 2۔ تے ویکھواک کوڑھی نے کول آکے اوہنوں سجدہ کیتا تے آکھیا اے خداوند! جے تُوں چاہویں تے مینوں پاک صاف کر سکد ایں۔
- 3۔ اوہنے ہتھ ودھا کے اوہنوں چھوئیا تے آکھیا میں چاؤناواں پئی تُوں پاک صاف ہو جا۔ اوہ اسے ویلے پاک صاف ہو گیا۔
- 4۔ یسوع نے اوہنوں آکھیا پئی خبر دار کسے نوں نہ دسیں بلکہ جا کے اپنے آپ نوں کاہن نوں وکھاتے جیہڑی نذر موسیٰ نے مقرر کیتی اے اوہ پوری کرتاں جو اوہناں لئی گواہی ہووے۔

9۔ متی 17 باب 1 توں 9، 14 توں 20 آیتاں

- 1۔ چھ دنوں بعد یسوع نے پطرس تے یعقوب تے اوہدے بھرا یوحنا نوں نال لیا تے اوہناں نوں اک اوچے پہاڑ اُتے وکھرے لے گیا۔

- 2- تے اوہناں دے سامنے اوہدی شکل بدل گئی تے اوہدا مکھڑا سورج وانگر چمکیا تے اوہدے کپڑے لو وانگر چمکے ہو گئے۔
- 3- تے ویکھو موسیٰ تے ایلیاہ اوہدے نال گلاں کر دے ہوئے اوہناں نوں دکھالی دتے۔
- 4- پطرس نے یسوع نوں آکھیا اے خداوند ساڈا بیٹھے رہنا چنگا اے۔ جے تیری مرضی ہووے تے میں ایتھے تن ڈیرے بناواں۔ اک تیرے لئی۔ اک موسیٰ لئی تے اک ایلیاہ لئی۔
- 5- اوہ ایہہ آکھ ای رہیا سی پئی ویکھو اک نورانی بدل نے اوہناں اُتے پرچھانواں کر لیا تے اوس بدل وچوں آواز آئی پئی ایہہ میرا پیارا پتر اے جیدے توں میں خوش آں ایہدی سنو۔
- 6- چیلے ایہہ سن کے مونہہ بھرنے ڈگے تے بوہت ڈر گئے۔
- 7- یسوع نے کول آکے اوہناں نوں چھو نیا تے آکھیا اُٹھو۔ ڈرو نہ۔
- 8- جد اوہناں نے اپنیاں اکھیاں چکیاں تے یسوع دے علاوہ کسے ہور نوں نہ ویکھیا۔
- 9- جد اوہ پہاڑوں اتر رہے سی تے یسوع نے اوہناں نوں ایہہ حکم دتا پئی جد تیکر ابن آدم مردیاں وچوں جی نہ اٹھے جو کجھ تسی ویکھیا اے کسے نال ایہدا ذکر نہ کریو۔
- 14- تے جدوں اوہ جتھے دے کول اپڑے تے اک بندہ اوہدے کول آیا تے اوہدے اگے گوڈے ٹیک کے آکھن لگیا۔
- 15- اے خداوند میرے پتر اُتے رحم کر کیوں جے اوہنوں مرگی آؤندی اے تے اوہ بوہت دکھ سہندا اے۔ ایس لئی پئی کئی واری اگ تے گرمی وچ ڈگ جاند اے۔
- 16- تے میں اوہنوں تیرے چیلیاں دے کول لیا یا سی پر اوہ اوہنوں ٹھیک نہ کر سکے۔
- 17- یسوع نے جواب وچ آکھیا اے بے اعتقاد تے کج رو نسل میں کدوں تیکر تہاڈے نال رہواں گا؟ کدوں تیکر تہاڈی برداشت کراں گا؟ اوہنوں ایتھے میرے کول لیاؤ۔
- 18- یسوع نے اوہنوں جھڑکیا تے بدروح اوہدے وچوں نکل گئی تے اوہ مندھاوے ویلے چنگا ہو گیا۔
- 19- فیر چیلیاں نے یسوع دے کول آکے خلوت وچ آکھیا اسی ایہنوں کیوں نہ کڈھ سکے؟

20۔ اوہنے اوہناں نوں آکھیا اپنے ایمان دے گھائے پاروں کیوں جے میں تہانوں سچ آکھدا آں پئی جے تہاڈے وچ رائی دے دانے دے برابر ایمان ہووے گاتے ایس پہاڑ نوں آکھ سکوں گے پئی ایتھوں سرک کے اوتھے چلا جاتے اوہ چلا جاوے گاتے کوئی گل تہاڈے لئی ناممکن نہ ہووے گی۔

10۔ یوحنا 14 باب 12 آیت

12۔ میں تہانوں سچ آکھدا آں پئی جیہڑا میرے اُتے ایمان رکھدا اے ایہہ کم جیہڑے میں کردا آں اوہ وی کرے گا بلکہ ایہناں توں وی وڈھے کم کرے گا کیوں جے میں باپ دے کول جاناواں۔

11۔ یوحنا 14 باب 10 (پو) آیت

10۔۔۔۔۔ باپ میرے وچ رہ کے کم کردا اے۔

سائنس تے صحت

1۔ 27-5:502

تخلیق اصول، حیاتی، سچیائی تے محبت رب اے۔ سنسار رب دی عکاسی کردا اے۔ اک خالق تے اک تخلیق دے علاوہ ہو رکھ نئیں۔ ایہہ تخلیق روحانی خیالاں تے ایہناں دیاں پچھاناں دے ظاہر ہوون اُتے مشتمل اے، جیہڑے لامحدود سیان دے دامن نال جڑے نیں تے ہمیشہ منعکس ہندے نیں۔ ایہہ خیال محدود توں لامحدود تیکر وسیع نیں تے بوہت اُچے خیال رب دیاں دھیاں تے پتر نیں۔

2- 19-17:280

موسیٰ نے یہوواہ دے دساں حکماں وچوں پہلے حکم دے طور تے ایہہ آکھیا: ”میرے سامنے توں غیر معبوداں نوں نہ منیں۔“

3- 15-6:255

تخلیق دے بارے افسانوی انسانی خیال، پرانے ویلیاں وچ جنہاں دی جماعت بندی اعلیٰ تنقید دے طور تے ہندی سی، اوہناں دا جنم روم تے یونان دے چنگے عالماں توں ہوئیا، پر اوہ الہی سیان دی کیتی ہوئی تخلیق دے بارے ٹھیک خیالاں دی کوئی بنیاد نئیں سی رکھدے۔

فانی انسان نے اپنیاں اکھیاں نال اک وعدہ کیتا اے پئی اوہ انسانی تصوراں نال رب نوں حقیر سمجھے۔ مادی حساں نال، بشر ہر شے دے بارے محدود سوچ رکھدا اے۔ ایہہ پئی رب جسمانی یا مادی اے، کسے بندے نوں ایس گل دی تصدیق نئیں کرنی چاہیدی۔

4- 13:501-1

صحیفیاں دی سائنسی تشریح دی ٹھیک طور تے شروعات پرانے عہد نامے دی ابتدا توں ہندی اے، خاص کر کے ایس لئی پئی کلام دی روحانی آمد، ایہدے شروع والے بیاناں وچ، کئی واری فوری سیاق و سباق توں ایہنی بھگی وکھالی دیندی اے پئی ایہدی وضاحت دی لوڑ پیندی اے؛ جد کہ نویں عہد نامے دیاں کہانیاں بوہتا صاف تے دل دے بوہت نیسمرے سمجھیاں جاندیاں نیں۔ یسوع اوہناں نوں لو وچ لیاؤند اے، فانی وجود دی کمتری نوں ظاہر کردیاں ہوئے، پر روحانی فائدے دے نال انسان دی خواہش تے دکھ دا بھر پور مداوا کردیاں ہوئے۔

حق دا مجسم، حیرانگی تے جلال دی اجیہی شدت جیدے بارے فرشتے بس کھسمر بھسمر کر سکے تے جنہوں رب نے لوتے ہم آہنگی دے راہیں ظاہر کیتا، از لوں موجود پیار دے نال ہم آہنگ اے۔

5- 32-26:135

مسیحت جیویں پئی یسوع نے سکھایا سی پئی ایہہ کوئی عقیدہ نہیں سی، نہ ای رسماں دا اک نظام سی، نہ ای اک روایتی یہوواہ ولوں دتا ہو نیا کوئی تحفہ سی؛ بلکہ ایہہ غلطی نوں باہر کڈھن تے بیمار نوں شفا دین والے الہی پیار دا اظہار سی، جیہڑا بس سچائی یا مسیح دے ناں اُتے نہیں سی، بلکہ سچائی دے اظہار اُتے سی، جیویں پئی الہی نور دے سلسلیاں دے معاملے وچ پایا جانا چاہیدا۔

6- 29-7:6

کئی لوک ایہہ من دے نیں پئی اک عدالت داحاکم جیہڑا یسوع دے زمانے وچ رہند اسی اوہنے ایہہ بیان دتا سی: ”اوہدی ملامت خوفناک اے۔“ ساڈے مالک دی سخت زبان ایس بیان دی تصدیق کردی اے۔

غلطی لئی جیہڑی واحد سزائے موت اوہنے دتی اوہ سی، ”اے شیطان میرے سامنیوں دور ہو۔“ ایس گل دی مزید تصدیق پئی یسوع دی سرزنش بوہت نوکیلی تے چبھن والی سی اوہدے اپنے لفظاں وچ پائی جانندی اے، ایس قدر شدید بیان نوں ضروری ثابت کر دیاں ہوئے، جدوں اوہنے بدروحواں نوں کڈھیا تے بیمار تے پاپی نوں شفا دتی۔ غلطی دی دستبرداری مادی فہم نوں ایہدے جھوٹے دعویاں توں محروم کردی اے۔

7- 15-13،10-8:133

مصرف وچ، ایہہ سیان ای سی جسے اسرائیلیاں نوں و بانواں اُتے یقین کرن توں بچایا۔ بیابان وچ، پتھراں توں پانی دے چشمے وگے تے من اسماں توں ورھیا۔۔۔ قوم دی خوشحالی وچ، معجزیاں نے عبرانیوں نوں فتح یابی دلوائی، پر جداں ای اوہ اصلی خیال توں دور ہوئے اوہناں دی بربادی شروع ہو گئی۔

8- 20-13:469 (دی)-20

غلطی نوں تباہ کرن والی اعلیٰ سچائی رب یعنی چنگیائی کلی سیان اے تے ایہہ پئی لامحدود سیان دی جعلی مخالف، جنہوں شیطان یابدی آکھیا جاندا اے، سیان نہیں، سچائی نہیں بلکہ غلطی اے، جیہڑی اصلیت تے ذہانت توں وکھ اے۔ ایہتھے بس اک سیان ہو سکدی اے کیوں جے رب بس اک اے؛ تے جے بشر نے کسے ہور سیان داد عوی نہیں کیتا تے کسے ہور نوں قبول نہیں کیتا تے پاپ گنہام ہووے گا۔

9- 8-5:508

واحد ذہانت یا سوچ دامواد، اک بچ یا اک بھٹل رب اے، جیہڑا ایہدا خالق اے۔ سیان ساریاں دی روح اے۔ سیان اوہ حیاتی، سچائی تے پیار اے جیہڑی ساریاں اُتے حکمرانی کردی اے۔

10- 11:135 صرف، 15-20

اوہ ای طاقت جیہڑی پاپ توں شفا دیندی اے اوہ بیماری توں وی شفا دیندی اے۔۔۔ جد مسیح نے گنگی بد روح نوں باہر کڈھیا، ”تے جد اوہ بد روح نکل گئی تے ایخ ہو نیا پئی گنگا بولیا۔“ اسرائیل دے مقدس نوں محدود کر دیاں ہوئے تے ایہہ بچھدیاں ہوئے یہودیوں دے جرم نوں دوہرا نااج بوہت خطرناک اے پئی: ”کیہ رب بیابان وچ دسترخوان وچھا سکدا اے؟“ رب کیہ نہیں کر سکدا؟

11- 28-10:134

ایتھے مادے دے مقابلے وچ روحانی قدرت دی برتری اُتے یقین رکھن والی اختیار اے۔

اک معجزہ رب دے قانون نوں پورا کر دالے، پر اوس قانون نوں توڑ دانیس۔ ایہہ سچائی آپ معجزے توں بوہتی پُر اسرار لگدی اے۔ زبور لکھن والے نے ایہہ گایا سی: ”اے سمندر تینوں کیہ ہو نیا پئی تونس دا ایس؟ اے یردن! تینوں کیہ ہو نیا پئی تو پچھاں ہٹد ایس؟ اے پہاڑ و تہانوں کیہ ہو نیا پئی نسی مینڈھیاں وانگر پڑ کدے او؟ اے پہاڑیو تہانوں

بائبل دا ایہہ سبق فلپین فلپائن کرچ، آزاوولوں تیار ہو یا۔ ایہہ کنگ جیمز بائبل ویاں آجیاں تے میری یکرا پڑی دی لکھی ہوئی کرچن سائنس دی درسی کتاب، ”سائنس تے صحت آجیاں دی کنجی دے نال“ وچوں لیاں ہوئیاں لازمی تحریریں نال بنیاں۔

کیہ ہو یا پئی تسی بھید دے پچیاں وانگر چڑکدیاں او؟ اے دھرتی تُو رب دے سامنے۔ یعقوب دے رب دے سامنے کب۔“ ایہہ معجزہ کسے اختلاف داتعارف نیں کر اؤندا، بلکہ رب دے ناقابل تبدیل قانون دی سائنس نوں قائم کردیاں ہوئے بنیادی ترتیب نوں واضح کر دالے۔ بس روحانی ارتقاء ای الہی قوت دی مشق کرن دے قابل اے۔

12- 30-23:151

اوہ الہی سیان جسے انسان نوں بنایا اپنی صورت تے شبیہ نوں قائم رکھ دالے۔ انسانی سیان رب دے مخالف اے تے ایہنوں مکنا چاہیدا اے، جیویں پئی پولوس رسول واضح کر دالے۔ جیہڑا وجود رکھ دالے اوہ بس الہی سیان تے اوہد اخیال اے، ایسے سیان وچ ساری ہستی ہم ساز تے ابدی ہندی اے۔ سدھایا تنگ راستہ ایس سچائی نوں دیکھن تے من، ایس طاقت نوں من تے سچائی دی راہ اُتے ٹرن لئی اے۔

13- 2-1:290

حیاتی ہمیشہ دا ”میں واں“، یعنی اوہ ہستی جیہڑی ہے سی، ہے اے تے جیہڑی آؤن والی اے، جنہوں کوئی شے وی ختم نیں کر سکی۔

14- 9-1:566

جیویں بنی اسرائیل نوں بحرِ قلزم، انسانی ڈردے تاریک اتار چڑھاؤ، توں لنگدیاں ہوئے فتح مندی ملی، جیویں اوہناں نوں بیابان وچ، انسانی امیدیں دے وڈھے صحرا وچ تکلیفاں وچوں لنگدیاں ہوئے، تے وعدہ کیتی ہوئی خوشی دی توقع

بائبل دا ایہہ سبق پلین فیلڈ کرسچن چرچ، آزاد ولوں تیار ہو یا۔ ایہہ کنگ جیمز بائبل ویاں آیتاں تے میری بیکراڈی دی لکھی ہوئی کرسچن سائنس دی وری کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریریں نال بنیاں۔

کردیاں ہوئے، رہنمائی ملی، اوسے طراں سمجھ توں روح تیکر، وجودیت دے مادی فہم توں روحانی فہم تیکر دے سفر دے دوران روحانی خیال ساریاں خواہشاں دی راہنمائی کرے گاتے اوہناں ساریاں نوں جلال لئی تیار کرے گا جیہڑے رب نال پیار رکھدے نیں۔

روزانہ دے فرض

میری بیکرا ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔